

摘藻堂四庫全書薈要

集部

欽定四庫全書薈要

集部

皇清文穎卷三十四



詳校官候選知縣臣吳甸華

欽定四庫全書薈要卷一萬九千四百三十五

集部

皇清文頌卷三十四

頌

聖德神功頌有序

毛奇齡

惟是

皇清嗣世撫育方夏東越溟澥西薄柳谷南底於穿汗
而北極之莽賈無垠之地其在水居者雕頤畫臂
率為良民版畫其波濤而租其魚蛤其在甌脫居

者大幕以南皆保塞稱藩環嚮為屬國自是而外
雖車舟未到人力鮮達亦且仰

天地之恩昭

日月之信風聲遠播同量一器獨是瀰迤以西溇裸么
小如彼厄魯特噶爾丹者倚恃荒昧託跡榛曠與
噶爾札薩唇交齒互不思睦鄰卹族內奉約束而
乃自舍院墮頓加夷陸侵陵我櫛衛暴殄我藩服
東西爪揃罔顧禮義

皇帝不忍加誅屢飭以法俟其漸滌勿追風染乃復鼠
穴自大終致負固伏念

皇上曾駐蹕喜峰登臨慷慨賦黃土崖大石磯二詩以
宸翰書之巖間兼

諭侍臣謂是地皆前朝戍屯烽堠相望我

太祖

太宗創業宏遠夷夏一統致蒙古四十八部皆為臣僕
朕每過此未嘗不念

不烈焉是挺紘萬里無非締造遊豫所到猶厪

先烈其可令螽蟥肆喙蠢蠢鼓翅漸至於此夫無疆歷

服匪易嗣也

前人之光不可以遏且佚也況古聖賢經文緯武雖揆
奮有人猶身挺鉞鐸手秉白旄以故黃帝親戰於
阪泉而文王北伐畎落躬承盧矢以彼神聖何難
命將出師高居深拱以操制勝而乃安不忘危勤
思戡亂忘萬乘之尊習三單之效哉誠以君不親

將皆叔世浮文而非古王愍戎之本意也是以
廟謨盈庭貴乎獨斷征伐之權出自

天子乃遂張皇六師大申克詰羣策不足撓衆諫不為
沮集虎賁而懸豹尾肆類於

上帝昭告

宗廟徧望諸山川百神禡牙畿纛練時日鑿門以恭行
天罰先遣撫邊大將軍由沙河抵塞剋期並進越
歸化歷烏闌河朔遏其歸路以會大軍於幕北而

羽林飲飛從獨石同時出關師行三十里驪克勒隄
高齊涉敖漢越烏朱目秦凡蠻夷君長外藩諸部
王可汗貝勒貝子公台吉等先後會朝以壺漿簞
食迎於馬前其他北庭薦居去胡來王者悉環列
跪道左觀軍容不輟廼絕大幕進拖林調兵穀車
餽使武剛冰構不絕於路雖鹵寫之地每乏泉水
而靈源疏鑿所在湓涌會飲馬川西忽得故明成
祖勒銘紀功之石於水厓灌而視之有永清沙漠

之句

上曰真永清矣遂於中夏三日直搗其境犁其庭掃其
閭烏逃鼠遂四竄之巴顏烏喇而西路之遏其奔
者逆擊於昭木多鄂爾渾河之間以比干環盾大
破其勃盧之陣擒其子砲焚其妻孥追殺三十里
斬首虜二千餘級生得數千人乞降者以日至虜
獲馬牛羊驢羸舖鍍械仗無算乃大展

皇仁任其零騎數十人負創而奔而我士卒無離傷者

皇帝乃駐蹕黑魯倫河封拖諾之山禪之土喇遂班師
焉先是

禁旅初行時兩浙官民念七萃勞苦旗門遠關不無
宵旰跋涉之艱乃宿衛綦嚴眺聽祕謐行間消息
不洩於外因晨夕引領北向以冀布凱驟傳管侍
衛內大臣暨大學士祇奉

諭旨而和碩康親王亦遂有啟請班捷之奏流抄到浙
浙撫臣榜之通國官民大小皆懽忭踴躍男女聚

族轉相慶告遂於康熙三十五年六月十五日撫
臣率司道臣以下會將軍都統暨鄉官士民數萬
人焚香稽首賀捷於軍門旋請史館詳叙

膚功頒示兩浙立石於東海之濱而以臣故職史官

屬抽筆作頌以俟載事臣伏思太輿誕大廣運靡

極三古至今亦惟視君國大小以為脩陋是故功
德大者地亦大功德小則地亦小乃自五帝三王
以後漢魏迄今其歷國已一十七姓而大一統者

亦復有幾即漢唐元明四代巍然式廓而唐以藩
服僭處中致歎損曾未有德高日域功蓋月窟如
本朝者既已提封萬國奄有八極而

皇上復恢擴而張大之不憚躬親安攘以葆此遠塞一
時之勞萬世之利

聖德神功莫可紀計宜立石四裔以為我子孫億萬斯
年之法因不揣鄙陋謹擬為東海立石頌文以垂
於勿壞其文曰

粵自三古長此六服徑輪廣袤視功與德漢唐元明盡
有阨塞晉宋偏安比之列國惟我

皇清闢土浩濶西隄崦嵫東近日出雖復繼世兼創始
謨再奪昆詔三開葉榆甫復東越旋收番禺聲暨南服
教訖海隅遂擴疆宇至於彭湖物皆安居民樂終產恩
肥土域澤溢胸衍綱紀百飭聰目四遠桐生本豫禾偃
能反浮苴以南並我保塞豈惟籬落原屬經界肯容小
醜閭為蟲壤造謀藉兵作邊鄙害

皇仁有容諭至於再是雖渺末漸不可長無庸受脤徒
命將往

帝德神勇

聖世黷朗藉此晏安習以鞅掌武丁南征王季西攘師
中丈人百國所仰豈如叔世高居稱朕不計大酖而縱
小蠹文法是崇兵革不祗諫即牽裾甚者割紉以至叢
脞或就削弱珠崖徒捐金墉已却蕭關烽火幾至宮闈
所以古王最重撻伐河魁二百太乙三千星門大闢雷

車陡牽銅斗獸警鐵騎蟬聯白澤遠導朱雀在前是以
初發雲興百萬繼且颺起如日斯旦箕張翼舒虎攫龍
戰小醜伏聽早鳥獸散因之番長遠近來謁飾彼玉具
賜以匹帛覩茲

天威相顧翕古道旁觀者莫不太息乃轉車粟亦載哺
焦一鼓傳餐千軍共醪縱遇磽嶇兼履不毛畫地成井
沿山生蒿壘若棋峙旗似電合

九伐既濟

三校咸發投石於林抽刃出桺觸車鱗碎近輻瓦裂巖
谷顯漏木柴僵落譬諸泰山下壓卵石坼土迸陷瀚海
坼竭何必聲罪歸曲直責以是摘莽任彼升陵帳絕烏
鳥士摧豕熊右衛聯校前軍折衝

廟堂之算乃在軍中爰度梓嶺轉破苻離陳以橐駝駕
之豺貔虜其人畜俘厥子妻姦峽尺寸堪此鋤夷遽收
因杆翻遇軍曲男悸遂影女孕墮殯潛山匿水相向而
哭受降之城何啻三築伊昔明祖親巡緣邊三犁王庭

至飲馬川勒石天山比之燕然一沈水厓一升山巔文
詞昭哲符讖不謬永清而已他何有焉獨是虞廷七旬
苗格高宗鬼方三年始克何如

神武指顧頃刻歷候三月恍騁八極祇我朔暨已及祝
栗虺肱蟣肺奚足介棘惟茲方域九有以宏內備蕭勺
外戢戎兵金璣弗闕玉燭以明自茲以後泰階昇平皇
皇八柱勒

功德銘萬方齊瞻四海永清

甲子紀功德頌

有序

翁叔元

臣聞自古帝王言為尚書行為世法堯兢舜業紀
盛德於勲華禹儉湯仁錄鴻功於謨誥迨周官有
左右史之設漢世有起居注之司日歷時政之編
摩流傳彌廣石室蘭臺之撰述紀載宏多職或領
於他官書必藏於柱下歷考前人之信史非無著
作班班欣逢

今日之成編乃出尋常萬萬欽惟我

皇上天縱聖德神授英謀崇武功以靖八荒闡文德以
臣六合等乾施之禱覆答坤載之靈長並日月之
垂明應風雷之渙號時惟甲子歷啟上元四海無
波九垓同軌俗漸登於仁壽治已進於唐虞乃猶
未明求衣坐而待旦或臨民以求莫或望古而興
懷或撤膳以省躬或在輿而訪道縹囊玉軸時繙
甲乙之書揆藻摘華洪啟天人之秘

鑾輿所至民物於焉樂康禮樂具興天地為之炳煥

臣才慙珥筆欣傳

宵旰之憂勤職忝載言幸紀

都俞之盛美爰自春孟迄今歲除勒為成書凡十二
卷附以渺說載在篇終而又念古者皋陶歌虞奚
斯頌魯皆以游揚盛德褒讚成功臣幸列侍從之
班事堯舜之

主而功德不紀雅頌無聞誰之咎歟

臣竊見

皇上早朝晏罷夙寤晨興矢萬幾無曠之誠拒五日御

門之請故天下咸知

皇上之勤作頌一統禁衛而治兵射以觀德命蒐田而講武安不忘危故天下咸知

皇上之武作頌二省方觀俗清問徧於閭閻解網蠲租仁恩及於庶類故天下咸知

皇上之惠作頌三極黎民於昏墊精衛填流障河瀆之狂瀾哀鴻宅土故天下咸知

皇上之仁作頌四崇本抑末返淳俗於區中利用厚生

移澆風於南土故天下咸知

皇上之儉作頌五過魯而祀孔子儒術彌光講學以訓
生徒天章載錫故天下咸知

皇上之敬作頌六勵冰霜之操自結

主知錫繁庶之榮用嘉臣節故天下咸知

皇上之明作頌七謁前代之寢園奚止歷橋山之祀命
有司而維護豈徒置守冢之家故天下咸知

皇上之厚作頌八

睿藻天開多寄情於民隱奎章日麗或托興於山川故

天下咸知

皇上之文作頌九動霜露之感時詣

山陵冒風雪之嚴不辭險遠故天下咸知

皇上之孝作頌十頌曰

惟天行健四時不忒惟

皇法天自強不息勿懈於位寸陰是惜自朝不遑至於
日昃德乃日新以熙庶績無怠無荒萬國來極

右勤政

皇矣至德聰明神武用戒不虞治兵振旅乃率三公下
逮卒伍橫雲置陳考鐘伐鼓四侯如樹序賓不侮九功
既成七德咸舞

右聖武

粵稽舜典五載時巡不惟逸豫惟以勤民我
皇時邁大澤流殷納民衽席煦以陽春衢歌巷舞就日
瞻雲車書同軌天下歸仁

右省方

在昔夏后濬畎距川六府孔脩乃奏艱鮮我

皇臨幸相度後先增卑培薄指示井然下迨海口治之
用專民宅其居物安其天

右治河

人亦有言儉德之共錦繡纂組是傷女紅戒爾守土驅
民於農無崇侈靡以即康功敦本息華比屋可封阜財
解愠被此薰風

右正俗

雖雖泮宮翼翼孔廟親師釋奠崇儒論道曲益用章光
遠有耀昌明六經張皇幽渺多士景從尚克用教萬世
之師人倫之表

右崇儒

惟吏牧民立之師保敬爾在公不貪為寶清風灑然白
日皜皜建官惟賢封庶錄孝眷言存歿寵錫勸勞以風
有位是則是效

右獎廉

緬惟明祖肇造區夏三百餘年流風代謝鼎湖龍遠樵
牧其下我

皇惻念愾焉命駕肅拜几筵進酒三竿敬哉杯土庶無
躡籍

右追祀

充稱文思舜敷文德發揮

宸章淋漓潑墨馳思入神橫視八極音傳鈞奏聲被金

石焜耀名山星離雲翼振古無前為萬世式

右文章

春秋匪懈恪恭祀事顧瞻

陵寢享嘗勿替霜寒馬早風饕雪厲倍道馳行曾不知
瘁永言維則是曰孝治通於神明置塞天地

右上

陵

神功慶成頌

有序

顧祖榮

臣聞春溫秋肅均為造化之仁武備兵威即裕安
民之略故天地之大德不外好生而帝王之遠謨
尤先戡亂躋黎庶春臺之上奠寓圖磐石之安欽
惟我

皇上乃聖乃神允文允武日臨月照統萬國之車書雲
行雨施訖八荒之聲教曩歲威申斧鉞平三逆於
遐方邇年風掃欃槍收七旗於遠磧

端拱運垂裳之治世頌永清熙皞歌鼓腹之天時當大
有歷考詩書所載國家稱治從無

今日之承平即有天地以來方域雖遙莫如

天朝之廣大乃有厄魯特噶爾丹者自恃遐荒弗恭
明命初鴟張於榛莽遂鼠竊於藩籬罪合四征法難三
宥我

皇上仁同覆載義切包容念大軍之奮武必殪雕題鑿
齒之倫倘小醜之投戈豈靳革面滌心之宥特申

巽命明懸肆赦之文誰謂冥頑不悔盜兵之罪於是
皇上赫然震怒

躬統六師斷自

乾綱親行九伐銅符虎節寧煩借箸之機宜紅粟青芻
不藉開屯之方略白旄黃鉞日月生光青羽赤莖
雲霞燦彩參旗河鼓開魚麗鶴陣之圖月斧星弧
駕虎奮龍驤之士師行以律天効其靈甘泉湛白
雪之流芳草接青天之色和風麗日行紫色之陽

春青靄紅雲瞻

翠華於瀚海於時狐綏膽落狼顧宵奔猶逞飄忽之
蹤欲逃廣漠之野豈知

聖天子料敵若神藏機於密早示龍韜之略預張兔脫
之羅遇我西師斷其歸路朱旗乍指迴赫日以裂
春冰白刃初排駕霜飈而掃秋穽笑頑梗之陸梁
幾崇朝而撲滅我

皇上猶以逆賊未靖邊民弗安既當奏凱之時仍分犄

角之勢旌旗相望羽檄交馳遏狡寇之奔逃扼窮
荒之要害釜魚待泣豈有潛踪幕燕就焚竟無生
路迨至三冬再勤

萬乘夙興旰食

宸躬先軍士之勞沐雨櫛風

聖體後征人而逸其時青蛇別部請效從王赤馬遐陬
咸求入貢即茲醜類亦上降書而

皇上察其非誠破其狡計遂以獻春之吉遠臨寧夏之

區大閱師徒密分機略賀蘭山下倚天之劍氣摩
空興武城邊匝地之戈鋒耀日兵威進逼已成山
壓之形賊變内生豈有瓦全之計家餘孽子既束
縛以成擒罪負違天遂驚惶而仰藥邊戶燃臍而
雪憤荒陬拜手以歡呼從此大漠銷兵不照玉關
之狼燧異方重譯豈勞鐵甲於龍沙六合澄清三
靈綏奠此皆由我

皇上天地不違之德智勇兼備之神三度臨邊為生民

而躬歷寒燠一年底績蕩勁寇而獨運神機立千古未建之奇開萬世無疆之業是豈殲有苗於丹水遂能並此

鴻猷殪蚩尤於清丘可得符其

盛業者哉

臣

備員史館叨列班行雖才慚露布未隨

虎旅於龍城而日近

天顏得聽鏡歌於

鳳闕遭逢

泰運載颺喜起之風揚厲

神功敬上昇平之頌謹拜手稽首而獻頌曰

聖皇御極德邁唐虞文明敷治神武垂謨普天之下莫
不來享薰風解愠堯天擊壤蠢茲小醜弄兵潢池負

恩逞逆爰整

王師

聖人濯征干城是輔為熊為羆鷹揚奮武風和日麗水
碧莎青

帝德廣運天奏神靈如霆如雷

天威所指望影而奔不煩一矢大哉

睿略動出萬全授機西路露布馳宣赫赫聲靈星羅雲
布願效從王黑山諸部雲中經畫興武親征櫛風沐雨
為爾邊氓孽子繫纓渠魁仰藥風驅電掃澄清大漠妖
氛既靖

神功告成垂裳而治永頌昇平海宇歡呼簡韶奏義典
謨載書昭垂萬祀

皇清睿略神功定萬世太平頌

有序

楊大鶴

康熙三十有六年

皇帝自將討平厄魯特噶爾丹凱旋告

廟武功底定左春坊左諭德臣楊大鶴謹拜手稽首颺

言曰天命有德君臨天下膺錄續圖創業垂統莫
不英謀沈斷長駕遠撫戡定禍亂誅鋤梗頑以阜
成兆民乂安九有懋建勲績顯燦炳麟聲名垂當
時風美扇來葉然歷選列辟罔克純備雖古先聖

皇時事各值運會未臻不能無所遺憾自開闢迄
今垂千億年

穆清鑒觀篤生

至聖該百王鴻業集千聖大成定萬世太平而坐理之
殊尤絕跡赫聲濯靈包乾括坤至隆極盛生民以
來未有如我

皇上者也蓋天下甚大羣生甚衆東至若木西底崑崙
南過朱垠北越戴斗必無一隅不承流無一夫不

被澤無一物不得所浸淫衍溢恩普德洋然後稱
極治於古殆未嘗覩也洪荒之初紛綸草昧萬國
瓜剖幅員未廣羲軒以暨夏商明聖之主雖多而
職方輿圖出賦稅通貢獻者數千里地而已諸侯
世封即已各自為政況要荒曠絕所云來享來王
僅以虛名相結安得奉法遵軌風流令行然則治
化雖隆未能溥洽也漢唐而降英主間出而因循
苟安有同架漏生民隕隘熙皞無期夫上邇狃榛

下迄近代不獲一日稱極治

昊蒼之蘊含蓄積釀和儲祉以昌期泰運待我

開天立極之大聖人為自古帝王補缺略為寰海黎元
圖治安為後世聖子神孫啟無疆大歷服豈不甚
重矣哉是故以日月之照以雨露之恩以雷霆之
威以九垓八埏之高深以四時五行之變化悉畀
我

皇上兼該而并包又用而時出而我

皇上以聖德之純法天行之健以

聖德之勇法天道之剛以

聖量之光大含洪法天心之仁愛以

聖學之推行通變法天體之周流凡所以運量於心意
之間措施於政事之際天德王道合同而化綏猷
斂福履中蹈和漸民以仁摩民以義惠鮮懷保樂
育養恬偕斯世於蕩平納蒼生於富壽固已無地
不滲漉無人不霑濡無物不滋潤矣往者三逆跳

梁煽動南服

廟謨指授以次削平臺灣負固嘯聚海隅

王師濯征遂隸版宇察哈兒乘隙倡亂西陲

天戈迅指即時剿絕於是琉球諸國海外曠隔之區
也且遣子入侍俄羅斯諸國磧北荒邈之域也時
款塞修貢良由

聖天子體

天安民至誠感格故能定奠廟堂而鞭笞桀驁獮兇

頑跨滄溟以為沼苞絕漠而為苑境廓於章亥之所步力通於禹契之所書納賁効琛府無虛月輻輳並進鱗集仰流而恐後也卓哉咸五登三超累代帝王而首出已噶爾丹者僻處遐裔獷悍矯虔與喀爾喀交相讐殺乃敢闌入近地

皇上命將出師大敗之於烏瀾布通懲艾而去

諭以內附昏迷不悛牽率醜徒竊踞巴顏烏喇屬藩邊塞騷動不安

皇上仰揆

天心俯軫民瘼深惟

國家社稷之計茲乃禍魁亂階剪撲不可姑緩赫然
震怒自將六師以征之閱歲再春三臨塞外渠魁
隕斃荒徼永寧方

鑾輿之初出也羣臣未測

睿謨交章諫沮大抵謂漠北苦寒冰霜侵爍不宜親煩
至尊且荒野窮邊踪跡無定緩則蜂屯急則鳥舉形勢

寥廓未易剪除而不知

皇上發謀出慮之初逆計厥終早在掌握必推鋒陷堅
斬馘其徒衆然後能使之弱必扼吭據險斷絕其
聲援離散其黨與召致其腹心然後能使之孤武
不可以不耀謀不可以不沉計畫不可以游移機
宜不可以坐失惟威乃克惟斷乃成

一人勞而億姓逸一方奠而萬拜輯豫見成效而為之
無不晷候應而符節同者夫使

六龍不行惟遣將帥即壯武如衛霍豈能一旦奏功
皇上所以親率羽林櫛風沐雨左屬平亂之韃右握滅
逆之矢鸛鵝熊羆千乘萬隊鐵馬金甲欽山欽野
直抵窟穴揚兵拖諾山賊渠見軍容焜煌自天而
下相攜潰竄不敢抗我顏行而我以正兵攻以奇
兵伏右翼之帥邀而擊之斬首無算僵尸若陵賊
僅隻身幸脫始知

天子威靈之不可犯也自春徂夏八十餘日而戰功成

非天下之至勇其孰能與於此迨戰勝之餘倘姑
務休息致彼裒克鞠頑終貽後慮

皇上所以凌冬辦寒西巡朔方至鄂爾多斯相度形勢
布置方略近邊阨塞分兵戍屯斷其乞援之路西
北區落遍示恩信絕其唇齒之望賊饑無所得食
謀刦餉車又為我軍摧敗其黨方內攜且聞

皇朝寬大招撫降人給之祿秩靡不稽顙厥角爭先輸
款噶爾丹亦惶懼請降而中懷猶豫我

皇察知情偽遣使以覘之麾軍以逼之賊已在羈絡檻
穽中而未能覺悟也非天下之至哲其孰能與於
此賊勢已蹙或謂創殘餘衆無足措意不知一日
縱敵數世之患安邊靖民豈恤况瘁

皇上所以飈馳電發復巡河湟自雲代以抵銀夏
駐蹕狼居胥山乘春和草生

命將分道深入

天聲丕振武節遠耀塞外遐國請受纓縻哈密擒獻其

孽子賊已巢傾卵破延命刻漏而其族屬親信並皆歸附

天朝方將推刃狼頭剗鋒豕腹噉爾丹貫盈數盡服毒自裁而厄魯特部落殄絕無遺類一年之內殲此巨寇域滅區殫勢同破竹非天下之至神其孰能與於此臣嘗質之詩書攷之傳記軒轅逐葷粥伊耆蕩丹浦虞帝征有苗夏后幾防風殷高宗克鬼方周宣王伐玁狁漢斬郅支唐擒頡利雖皆威績

顯著擅美前錄而我

皇上親征絕域指顧廓清刻銘於瀚海天山置吏於龍
沙鹿塞功與古齊而神武過之臣所謂該百王之
鴻業者此也稱堯者曰欽明允恭聖神文武稱舜
者曰濬哲文明溫恭允塞稱禹者曰克勤克儉不
自滿假稱湯者曰智勇天錫寬仁彰信稱文王者
曰亶亶翼翼日昃不遑稱武王者曰不泄不忘執
競無競我

皇上法宮宵衣丹扆聽政道隆德備罔有缺遺而當此
仗旄秉鉞除殘遏暴之時休有烈光兼具諸美臣
所謂集千聖之大成者此也古來治日常少三苗
荆楚叛服無常三代而前每多倣戒周家甫定洛
邑而多方即迪屢不靖漢氏數百年與匈奴相終
始唐突厥吐蕃回紇更盛迭衰卒為邊患息兵之
難益如此至我

皇上今日而後數天敕寧可永永不見兵革橐弓鉞

甲歸馬放牛四方萬國莫不率俾寸地尺天盡皆
入貢東漸西被北變南諧航浮索引之區火山水
寓之域沐浴膏澤同仁一視發號出令而海裔承
德意諭色授而寰表超風協氣橫流休徵踵至白
環銀甕山輿澤馬獨角三脊華平朱草方將紛紜
絡繹以告金繩玳檢之符顯號榮名閎休偉績詎
止並轍齊軌於七十二君而已哉臣所謂定萬世
之太平而坐理之者此也夫頌者美盛德之形容

以其成功告於神明者也茲當

豐功耆定振旅班師開邸獻俘告祀

郊

廟下寬大之

詔宣浩蕩之

恩賞禁旅之勤勞恤邊民之供億扇仁風以諧人寓矢

文德以洽四國銷金罷刃雲潤星暉暇豫優游作

樂崇德正宜咏

神聖功鋪張揚厲播諸管絃鐘鼓以薦馨香臣珥筆

禁林職司紀載不揣庸虛謹撰

聖清睿略神功定萬世太平頌一篇以

獻文義蕪淺不任悚惶其辭曰

天生

聖人為萬民主首出庶物如日當午

天生

至聖為羣聖宗首冠帝王與

天比崇朔邃古初以迄近代歷服遞承垂千萬載昌期
難叶上理誰臻山區海溼喁企鴻鈞篤生我

皇德兼列聖立天地心立生人命版圖式廓軼漠踰沙
八荒我闡六合為家仁育羣生義征不諛為

國興利為民除害剪是三孽奠此鯨波年豐人樂府修
事和祝栗濮鉛西王日下懸度繩行山梯海架獻琛
內府貢玉

天朝驗風受吏九譯迢遙日照月臨雲行雨施動植飛

潛熙熙

盛世蠢茲小醜獨背

太陽性惟慄狡質本跳踉黃磧引弓黑山候月豺牙自
磨鷗翼竊發根株隱伏卵育滋蕃禍心叵測規煽我邊
我邊如何屬國萬里櫛比魚鱗軍若臂指諸藩部落等
內地民載撫載育痼瘵一身孰容汝奸逞凶肆毒爰軫
皇慈整軍大繆白旄黃鉞

自將親征告

廟宜社雷動天行金甲雕戈龍旗日羽百萬

王師熊羆驅虎直壓賊巢逼使竄奔潛軍截擊揮刀紛
紜雨血風毛膏赤原野網一面開以待降者渠魁瑟縮
罪重如山屢

賜恩言彼昏卒頑戮梟斲鯢勢不留種匪違好生慮復
騷動遂勤

六飛載臨朔陲奇謀萬端深秘莫窺徂徠叛徒推誠布
信咸輸款誠內首順

命屯兵要害左遮右邀賊饑且窮尚希倖逃西北遐荒
諸部星列昔與汝通今歸

盛德外援路絕同惡情携魚游沸鼎鳥寄危枝韎韐三
臨河湟之表因利乘便

天戈亟剿狼胥噉喋

御帳攸營分麾兩道深入北庭封狐將擒乳麕早捕膽
落魂悸自罹顛仆泰山壓卵炎火燎毛詎有寸堽以存
汝曹戔於汝喉弁於汝頸汝先仰藥職汝之韋亮渠既

斃厥黨咸歸屈膝稽顙降附累累西荒之西北荒之北
土設田官亭開戍卒自初禡燾暨今凱旋役僅三舉期
惟一年殄滅妖氛按時尅日寰宇昇平溥天寧謐我
皇大智如鏡斯懸鑒遐燭暗洞在目前我
皇大勇如霆斯擊積鐵俱推重巖盡裂我

皇大仁如日斯春既溫且煦窮塞欣欣厚澤釀膏周匝
天壤殛凶靖良生息休養伊古堯舜暨周漢唐孰綏絕
幕如中土疆萬世太平自今伊始累洽重熙久安長治

御門受賀奏凱陳俘謳吟塞路簫鐃載塗

渙汗聿頒

絲綸廣被湛露蓼蕭羣芳浸漬靈臺偃革天河洗兵車
書禮樂文物聲名道數彌恢儒林益廣五緯光聯六符
階朗殷殷之獸濯濯之麟游郊集團樂我

皇仁端拱明堂升中弑獄休烈豐功輝煌顯燦

帝王極盛萬古一人皇哉唐哉文武聖神

聖德神功告成大慶頌

有序

韓 炎

皇帝誕保萬民迭用五材徂征逆命俾殄絕無遺育以
寧中外甫二載

三臨絕漠而大告武成先是師之初出也大破厄魯特
於昭木多之地噶爾丹遜走既班師

命大將留喀倫宿勁旅肅州猶頒

旨以好生之德不遐遺於叛人許其自新開示以丹青
之信慮賊畏罪蓄縮或奔逸求援他部乃戒諸將

列據要害遮防由是賊黨益散勢益蹙

皇帝曰時不可失務之不躄而孽是牙其不足復留種
乃於九月復

發京師渡河至鄂爾多斯申布

天威來者赦後者誅餘賊震怖來降不絕其間道乞憐
於同惡者所在亭障要遮無一綫通悉就擒始賊
饑困甚睭我餘糧在道遣其親信將丹濟喇等蒙
死徼偉一犯顏行復大敗走至是其台吉寨桑人

等皆來歸噶爾丹亦遣格壘沽英齋奏乞降

皇帝曰吁是非款誠特冀緩須臾死不可以縱乃留

禁旅駐牧大同期明年春進兵三十六年二月

車駕復發京師次大同

命諸將取道塞外

皇帝巡行緣邊城堡哈密生擒噶爾丹子獻

行在三月至寧夏諸將皆會

皇帝大閱士馬

指授方略進次狼居胥山喇麻諦巴遣使來謝罪瑚
腦爾台吉濟農等奏請

朝貢丹濟喇及其黨俱輸誠納款噶爾丹脫逃無所欲
面縛恨晚自知旦夕誅乃於閏三月癸巳仰藥死
厄魯特亡始賊橫行諸部無與抗者我師致討滅
不旋踵西北絕塞數千里自上世所不臣之國無
不讐以服蓋自初出師以至於今皆稟

廟謨受成算兵出於不得已而後動機乘於不可失而

即行遂乃從天降而若神趣師期而不老涉地角
河源之遠如履戶庭逐鳥獸飄忽之踪如就羈馬
納七旗數十萬流移之口歡若忘亡收千二百有
餘徼外之城完如歸璧策狡詐之情而運諸掌握
奏尅期之功而捷於聲響皇哉唐哉於鑠駿厖古
未之有也六師順動義切同仇超距投石踴躍用
命而

詔書屢諭大帥以下軍士良苦餉惟額惟時無私囊橐

於其衣服飲食蓋不待勞之於還役之後與出車之時要為千萬世養兵不用而厚其力以作其氣者胥不可以怠至於膏澤在民滲液瀝瀝何歲不育及

乘輿出幸尤加惠無已所過蠲田租一年以優其勞供億儲峙一無所與復為之咨穴居沙磧之苦樂陂池水泉之饒且時進父老子弟與謀農桑衣食之原最以詩書經術之誼而又深慮吏治淆濁或德

意壅於下逮殷勤惻怛怒然於懷在易有之地中
有水師君子以容民畜衆

皇帝在師中有容畜之道焉師也通於井矣井養而不
窮也井收而勿幕也繼自今薄海固有内外元元
萬民若一家子乃至跂行喙息蠕動之類莫不咸
若長治久安豈有窮極唐哉皇哉湛恩愷澤又未
之有也大功赫濯大德光昭鴻號顯名匪賓伊實
羣臣拜揚萬拜燕喜

皇帝謙讓却而弗居神禹之不矜不伐帝堯之無怠無
荒結自

聖心映流竹素渾功名於無迹如天之何言履泰豫而
自彊如天之不已斯尤已治長治已安愈安之大
原大本足為億萬斯年無疆之大慶臣葵至陋誠
不足比於管窺蠡測顧忤躍不勝同於率舞謹綴
述自

鑾輿再駕以來非常可紀之大者不自揣其挂一漏萬

復貢頌十章章十六句以足成前歌妄托於古賡
載之義頌曰

層冰萬里戕戕雪白獬豸之故

皇帝北伐流沙不毛若蜚若蠃獬豸之故

皇帝自東寒暑載離匪棘匪紓祇為民勞不遑啟居鋤
彼頑梗一我車書功成於今握勝在初一章

稽古師行尚矣軒轅大風青丘厥績爛然絳囊玉帳其
書不傳

皇帝將兵天授非人一心運用如環無端無敵為經不
測為權事後皆服借箸誰前一張一弛九地九天

二章

我車我馬載驅載馳次於興州會師月支呼衍須卜骨
都谷蠡乞活稽首棄其撐犁瓜沙是來獻其屠耆三十
六國往未羈縻今我玉帛逝矣譯覬葱嶺以北玉關之
西

三章

登狼居胥慨然思古不封不禪如我梁父空峒雞頭訪
道何所白雲間之精神告語惟整惟暇晏然樽俎彼昏

乍覺敢污齊斧獸斃於檻魚爛於釜櫓槍氛掃廓我天
宇四章

降不勝城山不勝銘大荒西北不吠不鳴弭節而旋大
禮慶成告於

皇天河嶽百靈對於

三后福嘏用增

寧壽東朝尊養倍榮瑤函寶冊敬上

徽稱

陛下萬年大莫能名

五章

大而能化

皇帝乃聖睿智通明珠囊玉鏡是用大介罔干予正大
謀大猷畫然定命

皇帝曰吁予惟執競莫之或斁莫或不敬萬國以寧一
夫猶病好風好雨予其勤政

六章

聖不可知

皇帝乃神有作物覩如日而雲祇今肅殺以布我春昊

天四府一氣洪鈞

皇帝曰吁事當盡人性與天道未之敢聞不識不知莫匪我身日用飲食予其乂民

七章

赫斯一怒

皇帝乃武往平諸叛功難悉數今遏亂略渠魁是取餘不一問黨者歌舞

皇帝曰吁受

天之祐軍士大夫亦克具舉方語爪牙戒以祈父方念

征人傷以扶杜

八章

明明令聞

皇帝乃文往敷德教大化網緼今偃武功鼓鐘於論脫
劍明堂蔚我虎賁

皇帝曰吁勿茲嚶嚶民猶未厚更猶未勤予欲勸歌待
謨於隣予欲敷言佇範之陳

九章

窮高測深竭羣臣愚

聖心萬有不加羸餘肫然至誠穆然太虛中外斷章抑

而未舒放勲重華史筆如圖請開玉局請論石渠兩年
始末萬禩典謨斯詎能辭先我寶書

十章

幸闕里頌

有序

陳廷敬

皇帝康熙之二十有三年是歲甲子東巡狩謁

孔子林廟先事

皇帝曰事先師禮重且嚴汝廷敬實惟予舊講臣其與

議所宜行

臣

從諸

臣

後議具上

詔曰俞及恭覩禮成臣不勝懽忭震躍仰惟

皇上聖神首出化洽萬邦君師之統千禩一時乃猶屈
已求賢詢輿訪道廣廈細旃之上冊書精研勤逾

儒素遐瞻東魯慨想宣尼希代曠古前未有也其
時三事大夫颺言曰昔者刻玉遊河披圖巡雒襄
壑之駕塗山之會皆能焜耀簡籍垂於方來今茲
萬國既同誠宜宣省風教展義魯邦下塞衆望

皇上凝睿思延廷問久之廼曰朕慕聖道歷久於茲敬
因省方詣先師宅里其母重煩吾民供億於是肆
赦軫農蠲租已責弘敷愷澤於天下乃歷吉日協
靈辰陞廬警路宮正設蹕

玉輿曉升帷殿夕御前驅朱旗屬車日羽以臨乎岱宗
是時未輶夫闕里也飛旆江淮觀民設教月屆黃
鐘旋軫南陸聿來聖居覽觀山川雲物廟寢圖書
之盛嚴恭將事禮行樂奏聖歆如答臣廷敬雖不
得備從官之列緬懷宮牆逖稽掌故太牢特祀肇
自西京褒成裸將爰及東漢貞觀定朝會之儀開
元錫文宣之號器物之賜渥於廣順陪位之班詔
始祥符至和加衍聖之稱承安始曲阜之令凡為

崇儒重道是以異代同符若我

皇上崇聖重道萬世師表之稱則與乾坤同其悠久也
六經表章之澤則與日月並其光華也留

鳳蓋於戟門車服禮器所未備也頌

龍章於鄉校普天率土所共瞻也喬喬皇皇莫與京矣
頌曰

惟聖體道生民拔萃德踰位兮惟

帝則聖統壹萬類位斯配兮龍飛於天周覽八極嘉鳳

德兮聖作物覩垂祀萬億視魯國兮

帝開明堂于羹于牆坐則見兮

帝會方岳東西南朔來殷薦兮

鑾車戾止鏘鏘穆穆金絲肅兮

駐蹕古亭雲霞委屬清泉瀉兮上公稽首邊豆奔走昭
世守兮暨四姓後博士童耆

恩滂厚兮

賜所過租歌騰于塗惠我人兮惟

帝福我我神其妥戴

大君兮莘莘髦士百爾濟濟頌聲美兮於赫

帝功與天比崇無終窮兮

幸魯頌有序

陳元龍

歲當甲子會合貞元六寓昇平八埏底定

皇上睿周四海念切羣生廼於是歲之冬肇舉時巡之
典燔柴肆覲名山增日觀之輝省歛採風節屋散
春臺之澤

恩膏斯溥曲禮用成

法駕南還星旄北指歷奎婁之野近聖人之居

皇上雅尚崇儒虛懷重道高山儼在仰止惟殷駕言徂

東爰至於魯

鸞旗風動烟嵐繚繞於綢杠羽蓋香浮草木葳蕤於繡
紱負洙泗素王闡道之區鳳翥麟遊

先聖發祥之地越舍郊而齊宿始有事於質明入歸
德之門閔宮伊邇瞻大成之廟靈殿歸然

一人肅穆以天行百辟森環而星從禮隆釋菜兩楹供
芹藻之馨樂奏迎神六合備宮懸之曲因師而屈
脩降拜於壇墀為道而恭攝衣裳於階陞覩山河

之異彩恍覲音容接堯禹之天姿若親揖讓於是
過燕申之室登詩禮之堂劍佩鳬趨章縫鱗次舉
比獨設具講席之隆儀絃帙初陳發韋編之大義
遂傳觀舊跡歷覽遺蹤硯几斑駁車琴制古雷尊
犧象縱橫禮樂之藏漆簡竹書隱約金絲之奏杏
壇無樹曲欄空文甃之華檜植餘根左紐作青銅
之色觀川波逝尚立空亭習射圃荒猶留故井

天語諮詢者屢矣

皇情眷戀者久之已而泝沂水之陽問昌平之墓鳥禽
知敬望彩旆而高飛荆棘避訶近雕輪而欲却樹
封四尺見堂斧之崇高昭穆三壇表神靈之奠麗
尋設祠而展謁更

駐輦以徘徊尋先賢築室之場惟捫古楫問昔后停車
之地更讀殘碑遂乃旋轡郊原

回鑾上序

天顏霽懌

睿藻紛披四韻鏗鏘琢玉追金之句數行璀璨銀鈎鐵
畫之書方誇

宸翰之頒更荷

殊恩之賜曲莖羽葆分僊仗於中階文綺金貂賁

溫綸於甲第土田加錫租賦頻蠲辟雍施帳而傳經譽
髦彈冠而結綬異數均沾乎四氏

隆恩旁及於諸姬且也銀榜高懸

御墨煥虬螭之彩貞珉載勒

天章鐫鼎廟之文頡字龍盤義圖馬負永作中天之旦
彌增秋日之輝信其偉而賈乎盛矣粵稽史籍代
有褒崇不乏美談迄多遺議漢高親祀安事詩書
光武駕臨時崇識緯開元有詣宅之祭道舉貽譏
祥符留駐蹕之亭天書獲誚儀文備矣實效闕焉
惟我

皇上狗齊天縱不恃生知遜志敏求惟勤好古研索闡
圖疇之秘表章傳述作之心

聖學精矣琬戈初偃木鐸彌宣返華靡於淳朴却登封
而謙讓操觚童子知斥異端挾冊小儒能嗤雜霸
聖治洽矣寤寐性天依晰仁義陶鑄百王之禮樂紹接
千聖之心源聞見相承後先同揆

聖功懋矣而且日昃不遑望道未見欽聖枉七駟之駕
隆師屈

萬乘之尊仰倣惟殷覲宮墻而如遇步趨罔間接薪火
以相傳固已親炙其精微豈特暫窺夫堂奧况乎

復發

天葩之藻河洛遜其苞符揚奎壁之華星雲資其紉縵
尤足甄謨陶典駕古鑠今洵開闢之鴻庥皇王之
極軌也臣旅蘆下走奔陋鄙儒忻盛典之遭逢光
榮莫並壯斯文之炳蔚統緒常新蠡測管窺竊自
愧於濡毫之列衢歌戶頌不敢後於含氣之儔頌

曰

於皇我

后建極用中文謨武烈景鑠有融至治蒸洽九域既同
匪功是伐惟道斯崇其道維何生民之始列聖相承幾
希而已王風寢熄微言中圯天拯頽綱篤生

夫子奎婁之精海岱之靈廼傳一貫廼定六經身雖潛
晦吾道則明皇王萬世是憲是程

帝念尼山精微之府企懷聖風表厥疆土洙泗一區靈
光終古

駕方東巡爰稅於魯防山匪高誕聖則尊沂水匪深毓

粹則神鸞旗淠淠玉車駢駢百辟咸從瞻望清塵闕宮
巍哉天地同壽我

皇至止言獻其節登降益虔循牆而走豈曰為恭隆師
惟厚隆禮維何言登其堂諸生濟濟說經琅琅咨訪遺
蹟故府所藏有服有器有圖有章爰有靈柯先聖所植
摩挲文理緬懷手澤鬱鬱松楸陟彼林域神風肅然
駐輦憩息典禮既崇恩膏斯被

帝錫上公土田每每繡衣赤舄貂冠文綺洽我宗支遂

及四氏倬彼雲日敷藻自天煌煌謨訓有光熊然既追
既琢琬琰是鐫屹立階墀炳煥萬年聖道明明長夜方
旦我

皇體之秋陽彌燦百家騰躍風雨散渙大義昭揭如濯
江漢惟

皇備道參貳兩儀駕姚軼如追軒躡羲刪述而後統在
聞知此心此理默契者微若火與薪相遇斯接若水與
乳注投斯合入室優然肝膾如答端拜一堂後先合轍

雖有象魏不如鼓鐘雖有郵傳不如德風依仁蹈義四
方景從教思用溥文治彌隆濟水洋洋泰宇嶽嶽俎豆
常馨宮牆儼若化協珠囊道隆木鐸漸被奕禩頌聲是
作

聖德同天頌

有序

勵杜訥

欽惟我

皇上好生至德篤於天懷高拱九重則慮周薄海時巡
六服則

清問下民惟恐一夫不被其澤一物不得其所懃拳懇
摯求所以安全而利濟之者固無微不至是以

湛恩淪洽於寰中聲教暨訖於域外舉凡梯山航海來
王來享之邦靡不仰沐仁風同遊化日矣惟喀爾

喀部僻處蒙古遐陬七旗族屬實繁有徒不能和
協日尋干戈

皇上惻然軫念曰是雖荒遠顓蒙亦在胞與之內安忍
膜外置之爰遣重臣諭令親睦猶不知悛至於挫
衄廼感鏤

帝德肅戴

天威於時嚮化歸誠者凡數十餘萬請附四十九旗同
列藩服

詔畀土田畜粟俾得寧處樂生雖顧復恩勤何以加焉
洎慮其素無紀綱不由法度為之設官制刑以及
賞罰事宜胥待

聖衷裁定用是

法駕親臨歡聲動地羽林星列禁旅雲從喀爾喀等自
王以下咸於

行殿匍匐稽顙朝見如儀爰

賜大宴大賚受

恩感激至於涕零復論功以次錫封一二姑存舊秩餘則寵以王爵遞至台吉下逮族屬悉付所司區別舉行甚曠典也仍

頒勅諭訓迪肫誠務期謹度蒙庥勿罹罪戾仰維天澤既已稠渥規畫更極周詳是皆我

皇上愛育生全之盛心韞於中而不容自己爾夫以數十年未附之國悉隸藩臣數十萬來歸之衆遽歌樂土偉烈弘仁炳磨霄壤洵足篤福祚於無疆為

敷天所同慶也臣叨際昌期欣逢盛事謹稽首頓首而獻頌曰

惟天廣運覆冒無垠惟

聖承天懷保斯民八紘九有沐浴深仁獻琛貢賁服教畏神繫彼西鄙僅云草面族屬自殘誓言屢變離析來歸乃膺渥眷安之集之爰處爰居飲之食之以羸以餘聿登衽席其樂只且數十萬衆誠惓競輸

帝念遠人曷忍遐棄總總林林亟煩調劑用設專官為

之統繫用列科條為之節制騰歡額手願覲吾

君延頸跂足

楓陛攸聞軫懷向化爰飭六軍翠華葆羽遠臨紫塞甘
雨滂沱霽雲靉黳載路嵩呼趨迎

行在幔城弘敞

帳殿巍巍周廬環布僉仗交羅龍驤虎旅焜耀山阿名
王部長蒲伏戟門張筵式宴錫以上樽耄年扶杖雪涕
銜

恩便蕃德意

大賚寵頒章服赫奕錦綺編爛分主賜爵封拜崇班
命重申俾同藩服

訓諭載宣永保爾祿字裏行間霽然肫篤仁至義盡於
惟我

皇興滅繼絕予之土疆圖維善始終焉允臧歷稽載籍
至德莫京登三咸五福極寰瀛同符蒼昊蕩蕩難名



皇清文頴卷三十四



總校官庶吉士 臣 張能照

校對官檢討 臣 王鍾健

謄錄監生 臣 李帶雙

欽定四庫全書薈要

集部

皇清文頴卷三十五

詳校官候選知縣臣吳甸華



欽定四庫全書薈要卷一萬九千四百三十六

集部

皇清文頌卷三十五

頌

皇帝親平漠北頌

并序

高士奇

臣聞識炳幾先坐策萬里廟謨獨斷變化因心天

下之上智也扶危定傾除凶遏暴行大不忍以安
海內天下之至仁也乾剛自強震雷在握削平遐
裔永奠八荒天下之神勇也三者兼而聖人之德

備然後可以建萬世之功垂萬世之治綿萬世無
疆之歷貽萬世子孫之安自古聖帝哲王始基開
創深謀遠算蓋能及此乃或時勢有所不暇迨守
成令辟繼體蒙休可以式廓鴻圖恢張景烈而往
往太平坐享憚建非常武德未彰萌芽竊發蔓延
既久剪剔為難或威靈不震於邊陲或勲伐僅成
於將校歷觀史冊舊轍相沿未有文武聖神以守
成兼開創超百王而獨絕邁千古以立隆如我

皇上之巍巍赫赫者也

皇上臨御三十有五年

聖化覃敷仁風翔洽謳歌遍於閭夏聲教訖於遐荒曩
者三孽跳梁指授方畧以次誅拔掃蕩無遺臺灣
海氛煽延數紀定謀搃穴悉就生擒

皇威震疊武功煊濯幅員之廣遠逾前代南諧北燮西
被東漸琉球乖隔大洋選俊就學俄羅斯僻處絕
域職貢時通誠以

聖天子厚澤深仁德洋恩溥各欲仰邀覆載不忍自棄
生成用是輦賁航琛麇至輻輳乃有背常亂紀鷙
戾狡頑如厄魯特噶爾丹者本與喀爾喀壤地交
錯構怨忿爭喀爾喀慕義來歸在我邦域之中列
於要荒之服彼宜爭先款塞同沐煦濡否則永釋
私嫌各安部落而乃負牛羊之力蓄豺豕之心恣
毒搖鋒侵凌擾虐屢

頒訓誥昏迷不悛昔年王旅徂征剪撲未盡遂益梟張

幕北樂禍懷奸窺伺塞垣兇謀叵測

皇上奮然赫怒曰是殆不可化誨不可撫柔犯順者無赦於國章除殘者罔限於邊服予其親總六師以征之羣臣百寮僉以狡寇宜殛而

皇上履間闕犯霜雪櫛風沐雨非臣子大誼所安遂交章叩留固請

命將

皇上神謀內決定策親行於是諏日禡牙練師誓衆

命

東宮權監國事昭告

郊

廟

社稷因親統大兵從中路聲討而以内大臣伯費揚古
為撫遠大將軍與揚威將軍舒恕振武將軍孫思
克由西路分道出師尅日並進虎校八屯騎卒數
十萬山苞川流颺轉霞騫

黃麾金鉞駕

六飛以運中央戎服之輝煌軍容之赫奕自啟行以迄
振旅焜耀宇宙照燭原野而其間機宜肯綮闔闢
操縱一一本於

聖斷綢繆計畫務底萬全有以迓天和感人心裕軍實
嚴師律懷蕃服扼地險綏降卒窮賊情大則包天
括地細則謹小慎微精神無一息之晏閒措置無
一節之未當固可縷陳確指揚扝盛美焉夫邊沙

磧鹵每以水草乏絕為虞

皇上伐暴安民昭格

上帝百靈護呵意動響答

親覽地脉疏鑿井泉畚鍤甫加清瀾湔激且彌山布谷
青草茸生駿馬驕騰霜蹄無蹶此我

皇上所以迓天和也精甲名馬時給勇銳用壯折衝
御饌頻徹以均將士

龍顏溫霽

天語纏綿慰勞拊循有加無已此我

皇上所以感人心也塞北苦寒雪霰時作

勅諭殷勤謹視駝馬周匝防衛百無一損轉粟千萬民
力不勞車箱銜尾殷雷動地此我

皇上所以裕軍實也出師以後軍令屢申行則部伍秩
然止則壁壘森列疾徐進退呼吸相應亭烽埃火
親巡警察數

御帳殿簡閱卒乘約束堅明屹如山岳此我

皇上所以嚴師律也塞外諸部率師來同從容晉接恩
禮隆摯既渥之以仁膏又耀之以武節覩夫龍旌
鳥旗雷礮雲車玉弩金戈輝天映日翼翼綿綿相
與訝為天兵披肝瀝膽願世世干城

帝室此我

皇上所以懷蕃服也小醜負固恃險與遠緩之則或有
備急之則必不支

皇上熟悉輿圖瞭如指掌揚兵絕幕直壓賊巢山川形

勝悉為我有戎馬馳逐靡有撓沮此我

皇上所以扼地險也高山深谷醜徒跼伏之所

皇上發縱指示往輒捕獲赦其脅從開布誠信諭以蚊
行蠕動皆吾赤子凶梟面縛猶在哀矜窮鳥投林
必蒙涵育於是厥角旌門企踵相繼此我

皇上所以綏降卒也俘囚偵謀洞開營壘令彼熟視使
知仁義節制之師不行詭道五花八門之陣莫可
端倪又縱以生還

賜之服物俾隨使者

詔諭渠魁蓋顯示軍威明破敵膽浩蕩如天地光霽如
日月震動如雷霆迅疾如風雨彼螳臂蟻甲焉所
用之此我

皇上所以窮賊情也且夫舍

黃屋端拱之清嚴而馳驅紫塞至勞苦也去羅珍列鼎
之厭飫而減饌食粗至不適也頌唐堯者曰茅茨
土階而已未必其風霜之飽嘗述周文者曰不遑

暇食而已未必其旨甘之峻却而我

皇上履行絕徼日御一餐極天下人情所難堪經古今
帝王所不歷蓋嚴恭欽翼發於至誠刻厲艱難安
之若素本自奉之約以弘御下之慈殫一身之勤
以作萬衆之氣

大聖人之勅天惟幾率作興事物我一體貴賤同觀有
如此者宜乎衆心成城賈勇爭先仰報

皇仁於萬一也蠢茲小腆聚蟻屯蜂奪攘矯虔恣行狂

悖妄謂窮邊絕塞寒露荒沙必無

天子自率羽林躬行九伐之理倘惟遣將興師猶可裒
凶抗拒今者

天威不遠咫尺譬泰山之壓卵如烈火之燎毛鋒刃所
加必無噍類遂乃魂驚膽落戰栗悚惶隕絕山谿
填墜坑谷者先不知其凡幾矣五月上旬我師逼
克魯倫河賊徒計盡力窮望風宵遁

皇上親統大軍進勦噶爾丹盡棄輜重冀圖倖脫

皇上審其窮蹙必欲痛絕根株更

簡驍勇入阻追搜彼方奔迸踉蹌謂可斲避天弧於晷
刻而不知

廟畧如神早張犄角西師突出以遏其要蓋

皇上夙授成算邀賊兵之疲極而取之諸將遵奉

王猷縱卒鏖戰斬首俘馘不可勝計追奔逐北之餘遁

者無復幾人妻孥帳落器甲牛羊已悉為我師所
獲矣當夫創議之始衆見雷同或慮醜徒遷徙靡

常最難撲滅而

聖明遠照籌策無遺度其眷戀水草必不能早遁用是
大軍直搗霆抨窟穴兵法所謂攻心也又度其震
怖

天戈必空巢碎潰用是設伏西陲截其歸路兵法所謂
奇勝也兵情主速故席捲長驅深入則專故不憚
艱阻治衆如治寡故節度明視衆如嬰兒故軍士
奮上下同欲首尾相應作勢九天之上轉石千仞

之山皆得兵法之精而用之是以計時未及八旬而妖氛蕩平大勲克奏永清朔漠休歇黎元凱旋告

廟銘勒鼎鍾增

祖宗謨烈之光衍社稷靈長之慶是豈儒生末識拘守舊聞所能窺測也哉竊惟開創之與守成固無異道必兼知仁勇之全德而為萬世之計則守成即開創而聖人之豐功偉績顯懿昭燦傳之無窮茲

皇上所以冠萬古帝王而立極也臣鄙陋庸愚罔知大

計雖隨

聖駕未得遠歷行間竊覩

萬乘至尊親泣幕北大馬私戀不知所云及乎治定功

成炳耀今古始知

宸衷默斷迥非尋常所及歡欣悚惕交并於中推原

聖天子所以乂安萬世之深意謹撰

親平漠北頌十八章拜手稽首以獻曰

皇帝在位三十五載澤流兆民恩及四海朝廷穆清臣
庶樂愷物皆得所靡有危殆先天弗違手握真宰雨暘
順序瑞應咸在嚴恭寅畏勤政無怠旰食宵衣乾惕百
倍

一章

周覽區宇既固既安南朔東西金甌孔完重譯來朝作
我藩翰誰為蘄牙欲開禍端荒陬醜類

天誅是干昔歲詘凶抗我糾桓禽獮未盡游魂蟻攢不
可誨諭實歟實謹

二章

皇帝曰咨是寇宜掃失今不圖後難撲剿日益煽延滋蔓猶草剔其根株必振

天討曰詰戎兵曰建旗旄發言盈廷所見皆小獨斷

宸衷洞矚幽渺六師載塗二月之杪

三章

天子自將軍容焜煌和鸞雖旆旆央央唐弓夏箭犀
角虎韞羽林之兵投石挽强天閑之駿電飛龍驤長戟
百萬分屯按行雷動雲蒸翼舒箕張照耀層霄山川有

光
四章

車馬卒徒繹絡先後

黃麾在中直搗凶寇相彼細妖狡如鉞獸窮則鹿奔不
我師邁

睿謀深長預設三覆曰命大將壁軍其右

親往蹙之必遁而走邀其竄逃悉殄靡馘

五章

西師既邁大軍邁征駝馬衆多鎧仗鮮明浚彼廣淵泉
流以清牧彼平沙庶草怒生茲豈人力昊蒼鑒誠川祗
嶽靈翕集送迎蕃服王侯會師來庭覩我天戈訝為神

兵 六章

我有甲裳衣我壯士
犇羝騏驥分給無已騁

賜之策剗

賜之七

賜之御筵忍獨甘此
勞苦務同與下卒比

日御一餐罔飫珍旨
刁斗中夜

親巡軍壘辛勤淡泊
慈惠豈弟

七章

凡我貔虎氣凌風雲
荷此

深恤蒙此

渥恩感沁心骨不能告言喜極而涕曷報我

君礪刃簇甲賈勇戟轅願搗賊巢戮彼游魂狼胥可刻
瀚海可吞誓竭死力蕩空北垠

八章

皇帝聖明洞諳韜畧變化雲鳥莫可測度紀律嚴整止
齊坐作尺寸勿越短裁繩約動如江漢屹若山嶽箭道
同的弩機共曠五花八門喬皇景鑠嘽嘽煒煒以絕大
漠

九章

爰入險阻破其藩籬樹我柵壁揚我旌旗萬帳千營羅
星布碁斧鉞矛鉞照耀幽涯

王師之來彼昏罔知迨其既知雖悔曷追駭汗如流環
泣以悲岱峯壓卵其何可支

十章

皇帝寬慈擒寇不戮予之飲食被以冠服

恩言汝宣好是仁育歸告汝長轉禍為福牽羊搏鰥貸
汝蠻族飛鶚草心集泮之木汝降於師作我臣僕汝不

急降汝惟几肉

十一章

命使前往指示可生賊黨躍躍願言歸誠兇渠內怵罪惡貫盈蹙極而降重干大刑左右心離孑然孤惻仰窺我軍雷電砰轟狂走捷竄不計道程棄厥輜重及其孩

嬰

章十二

皇帝神武遣旅追捕銳騎精甲共稟威怒期殲封狐務獲狡兔賊徒善奔靡間朝暮器械毳毼狼籍衢路

皇帝曰咨予返天步彼遁而西置罟夙布控扼要害必

與遭遇

章十三

賊方奔迸果逢我兵祇奉

廟謨執爰先登雄劍砍陣光芒縱橫鋒蝟斧蟾顛圯損
坑流血膏野斬馘若陵牲畜數萬膾脯臠羹俘獲妻孥
囚檻繫纓京觀嗟峨築封長城

十四章

捷書報聞萬衆欣悅殪此巨寇如湯沃雪決旬之間灰
飛烟滅拔去狼莠削平窟穴秘圖天授設伏邀截斃投
網中坐蹙顛履奇正相輔中權右翼兵機瞭然

天子聖哲

十五章

敵壘已破邊塵不飛

皇帝曰咨休汝戎衣念汝將士載渴載饑急雪淒風宵
征曉馳予雖汝同汝勞未施事闕蒼生匪一已私汝竭
蓋誠成功遠陞汝和凱歌振旅以歸

十六
章

王師既旋海內咸喜於

廟於

郊以次告祀朔漠永清無或干紀銷烽罷候坦道如砥
窮髮以北同倫共軌外設田官內置蠶師始自今日暨

於奕禩四方萬國咸頌

天子

十七
章

聖人舉事即初計終一勞永寧敢恤我躬上智之識至
仁之風以濟神勇宣惟武雄守成創業艱難與同貽厥
孫謀代享邳隆益天閔休鋪張曷窮

小臣

拜颺萬世之

功

十八
章

皇帝釋奠於闕里頌

有序

彭孫適

臣聞三才懋建作極者惟皇六位時成亶聰者惟
后故有禮樂刑政以為宰世之權有中正仁義以
為綏猷之準自河洛苞符以後暨帝皇禪繼之年
莫不兼作君師總司治教龍章觀象即開道法之
宗鳳宸當陽迭啟見聞之緒皇皇乎郁郁乎斯無
得而喻也周德既衰典章攸斁夏正歸藏之學溯
二代而無徵緝熙執競之心歷數傳而寢晦於是

玉麟授簡洩天瑞於素王珠緯儲精吐靈徵於至
聖秉覺民之木鐸握定世之珍符繫易象而作春
秋刪詩書而正禮樂王事備天德明軌則咸昭彛
倫式叙蓋九皇之軌躅獨萃平鄉七聖之源流同
歸洙泗矣兩楹告夢諸子雜興正學裒微羣言淆
亂非無英君誼辟恢大業於方新學士大夫探微
言於將墜而道風猶鬱治化未醇然則代閱千年
緒分百氏而欲六五帝四三皇闡虬圖攬鳳德使

景星慶霽暉麗於中天玉節金聲鏗鉤於終古自
非

聖人而在

天子之位其道無由也

皇帝纂述丕基撫定方域聰明睿智質亶於生知文武
聖神德全乎廣運天策內攄而八紘風動威弧外
指而六合雲行黼幄澄懷則

宸鏡徹圖書之蘊彤泥發檢則

奎章摘日月之華縕瑟而協氣同流垂裳而兆人自理
大猷升矣

皇風穆焉然後憑軾南巡結旌東邁

躬臨闕里謁視尼山詘

萬乘之尊修嚴師之敬威儀允秩典禮有加

睿藻鋪宣大文炳烜褒衣博帶之士踴躍而趨風瞻雲

就日之民咨嗟而觀化臣以謏劣備職禁林適會

休明宜有宣述茲又欽奉

諭旨校對

幸魯盛典一書竊以為

皇帝德化姬於唐虞道統承於洙泗以聖合聖以心契
心鴻章鉅典洵簡策所希聞而古今之僅覩也

璿樞啟泰瓊筭迎長三階有謚七曜重光丹堦集陞紫
茵生房道洽政治洪惟

聖皇上會下締左千右羽薈萃禮園翱翔書府衢室採
風明堂稽古萬彙順成百昌蕃庶至仁普渡淳化龐鴻

受球冀北鳴

鸞充東泛瀛絜廣踐嶽侔宗謁祠

宣聖展禮滋共乃戒乃儉乃洗乃盥廣樂在懸黃流在
瓚薦號几筵登歌絃管俎豆之容愉愉衍衍若越遼古
儀象初垂以治以教作君作師羲軒首出勲華代推禹
湯文武羣聖同規嶽嶽尼山洋洋泗水祖述先型憲章
往軌斯理未泯百世以俟道統攸歸在今

天子河珍剖韞洛寶開鍵道貺靜契德符動宣光闡經術

寵責儒先聲漸教被民陶物甄貞觀者天貞明者日炳炳
皇猷巍巍

聖德臣
則禁廬丹鉛是職稽首頌颺式示無極

聖駕幸闕里頌

徐乾學

臣聞禮樂之祀百世不絕道藝之宗萬禩永守泗
水松楸之地殿接靈光稷門絲竹之堂里通歸德
玉帛載驚而後俎豆攸崇金書遞出以還牲牢無
闕我

皇上以神聖之姿致雍熙之治兩階樂正蕭韶昭秉歷
之符三禮秩宗珪璧有成功之瑞山川協應日月
光華用徵肆覲之儀遂行時巡之舉於時星紀司

歷陽戶動管喬雲不散榮光竟天駐蹕之亭翼如
講樹之壇既掃

行宮停輦致享靈祠舊宅捫碑式瞻古殿徘徊乎萬仞
陟降於兩楹三獻告終六樂具舉智源溘涌文檜
龍葱集四氏以加

恩進諸生而講藝爰揮

睿藻不煥

宸章懸針垂露之書綴玉編珠之句雲霞標舉星日昭

垂加以錦綺紫裘綠函朱額

恩施至渥

賜賚有差至乃撤羽蓋之九旂留諸殿寢損太倉之萬廩捐彼田租肅將公旦之祠徧秩羣賢之祀事有曠而特舉典無鉅而不修且夫褒揚至道洪業也崇禮先師上儀也

萬乘屈尊盛節也四方觀化極治也於以姬軌跡於羲農臻憲度於韶夏含齒戴髮渟乎禮樂之中反

踵貫胸匝洽乎詩書之澤榮號顯名遐不懿哉臣
乾學忝竊庸虛叨逢景烈違史談從岱之願效古
甫頌周之情頌曰

防陰祥發泗水源分天垂黃玉神降丹文荒塗典籍漆
室丘墳誰開霽霜實揭星雲大野窮麟幽宮走兔堂閔
金絲坑銷竹素燼滅江陵波沉底柱五厄頻遭六經非
故非無顯德亦有乾封祥符駐蹕建武臨雍三犧備具
六樂春容治非極軌禮故殊踪道以人弘聖由天授於

樂

熙朝洪惟我

后驪栗扶輪羲軒把袖樂御德車禮耕仁耨羹牆至道
夢寐微言登山卑垤觀海知源時

臨經席屢

幸橋門

皇情紆眷

聖意逾敦總攬前規旁叅故禮議合容臺斷由綈几推

策仲冬披圖甲子秩於岱宗旋

臨闕里歲蕤豹尾颯沓龍旂千乘欲野萬騎斷流山寒
樹直天濶雲稠言停

翠蓋蒞止華輶檜徑晨除杏壇夙設壁水鱗紋玉堦肪
截趨蹌五氏森羅十哲祝史詞陳司筵邊潔爰觀綴兆
乃奏和寧循牆彌肅薦俎惟馨昔讀其書今陟其庭淵
源一氣登假無形俯仰松楸徘徊棖楠展敬封塋還披
講幄孝先便便充宗嶽嶽同異相參精微互駁煌煌

典誥爛爛

奎章銀鈎飛動玉軸琳瑯鳳觀虎卧鵲顧鸞翔輝流翠
拱麗溢縹緗惟茲羽葆實陳鹵簿

顧謂司儀留諸

殿廡有繡皆扶有栗斯雨

恩先四姓膏流萬戶大禮備矣

皇曰旋歸雲迴黼帳風捲朱旂瞻言繡壤昔有袞衣蘋
繁

遣告靈爽斯依欽我

聖德巍乎鬱律義峰造天智源盪日登三為四襲六而
七小臣作頌搞諸石室

勅修闕里孔子廟告成頌

有序

顏光敏

蓋聞門標歸德赤虹徵黃玉之符道煥崇文繡紱
表丹麟之異奎婁朗照窺七曜於中階泰岱遙瞻
藏五雲於大阜表天經而環象緯通地絡而樹軒
庭重檐複壁絲竹如聞學易刪詩簡編斯在琴書
奉於千禩饗祀傳於百王問藝者必登其堂尊師
者咸式其里自魯公作誅祠宇肇興漢祖巡方牲
牢始薦魏代立侯之詔隋時修廟之碑迨唐宋而

體制宗隆歷元明而規模輪奐戟門奎閣圖書連
斗宿之光藻井虹梁松檜拂雲霞之色一堂之鼎
彝常肅兩楹之俎豆猶陳然而廡序丹青僅傳子
姓壇墀灑掃半委有司車服可尋刻石之風漸泯
宮墻在望賜金之禮無聞雖荆棘蓬蒿不上昌平
之墓而絲簧金石空懸闕里之堂撫榱桷之罍盃
或虞墜地拂枅桷之風雨將恐摧梁葢世遠時湮
事難稽乎前代故崇儒重道禮必備於

聖朝我

皇上天衷純粹聖學淵深紹惟精惟一之心傳守不愆
不忘之古訓觀人文而成化

經筵靡間於春秋垂法象以統天

講幄不撤於左右又復

親勞警蹕下訪問閭過制禮作樂之邦問講道傳經之
座五星羅列環碧墀以飛光

萬乘尊嚴望素王而致拜闡遺言於多士義並防山

頒大賚於羣儒潤同泗水

製詩題額象雲漢之昭回

頒勅樹碑垂唐虞之謨訓式瞻寢廟如見羹牆羣情鼓舞方營駐蹕之亭

帝念周詳特降迴鑾之詔頒金於內府授成於司空迺度厥工迺揆厥吉揮斤運削枝効班倭敷碧塗丹功分水土類宮翠柏具棟梁柱石之材射圃紅梨中櫓拱欒廬之用千尋異植名辨榎栴六尺方壇

勢增瓊甍瑠璃曉闢明明雀目之窻玳瑁朝懸燦
燦虵鱗之桷左規右制儼授矩於緇帷俯察仰觀
緬遺風於曲几儀刑堯爾似聞沂水之歌列侍閭
如再奉農山之對事隆一代工竣兩年既不替於
前規復大弘其偉制遂使新宮銘頌重開星日之
華路寢營基旁引風雲之氣百家蹠蹕闢戶牖而
同歸十哲淵源溯門牆而共貫洵足妥靈昭祐崇
德象功並海岱以壯觀亘古今而稱盛者也臣東

山賤士陋巷鯁生長於鄒魯之鄉出際唐虞之世

曾迎

翠輦承霽色於

天顏幸侍

丹宸願傾心於

帝座欣逢曠典敢獻風謠頌曰

大化綢繆鴻源翕張一元之運聖道會昌

皇帝御極允文允武雷厲風馳敷天率土光昭日月幽

賛神明披圖叶瑞垂拱受成時惟省方憲垂萬世道重
師儒過魯肆祭石磬在御金鏞在懸佐以玉豆加以瓊
邊邊豆既徹爰歷宮牆是斷是度
睿謀孔彰魯邦所瞻萬國咸仰乃

召司空欽哉繼往範土於澤程材於山不煩民力內帑
用頒業煥其新規仍其舊指斧揮斤超前踰後方者中
矩圓者就規繩墨載削丹漆載施如翬斯飛乍翔乍舞
有庭有楹有堂有廡穆穆先聖於堂之中羣賢肅肅各

居其宮我我禮門奕奕寢廟松栢丸丸介我馳道告厥
成功肅肅王命教隆勿替豈私一姓

聖明舉事度越百王閭里之榮邦家之光匪曰弘猷實
惟峻德煌煌大業勒諸金石猗歟休哉地闢天開神人
歡洽古莫與偕龍興而雲虎嘯而風億萬斯年於樂辟
雍泰山巖巖泗水洋洋式歌且頌德音不忘

南巡頌并序

王士禎

臣聞王制天子五年一巡守以其歲四仲之月周行方岳柴而望祀山川覲諸侯問百年者就見之命太師陳詩命市納賈命典禮考時月定日同律禮樂衣服正之蓋自有虞氏逮於成周罔不由茲以觀民風而察其好惡曷乎尚已欽惟

皇帝陛下踐阼三十有八年宵衣旰食無逸作所曩者削平僭亂自隴蜀荆湖訖閩粵滇黔之地咸被

聖化比又剪戮邊寇永清朔漠薄海內外悉主悉臣乃
黃淮為患未底安瀾

皇帝披圖閱奏曰吁豈不在予予其敢自暇逸爰狗廷
臣之請

親臨荒度更以吳越為財賦要區自往歲
巡行越今一紀民風吏治不可不察迺諏吉日類於
上帝宜社造禰先期又

諭有司戒一切供億與民無擾二月癸卯

駕發京師奉

皇太后登舟以行於是八神警蹕交龍翼舟既屆淮上
皇帝相度形勢

詔河臣指授規畫立奏平成因軫念瀕河黎庶不免艱
食

特截留漕糧二十萬石於淮揚諸郡邑減直平糶分峙
復以二郡被災九州縣昨歲丁糧部議循例減免
特破格沛恩凡銀米三十萬有奇悉蠲貸之浮江而下

遂至吳越金陵所過童叟遮擁咸得就瞻雲日鼓
舞太平

皇帝覃心求莫一一諮訪因盡蠲江浙康熙三十四年
已後逋糧暨鳳陽十一縣今年田租遂

發渙號宥山東江浙三省繫囚而守土之吏有因公掛
彈議者並與開釋又目擊商困於各鹺使關使加
增權課悉行停罷豁免兩淮鹽司康熙十六年已
後加課四十萬兩之半永著為令更念江浙人文

淵藪特廣郡州縣學博士弟子員各五人以彰鼓
勵歸經山東免泰安二十七州縣康熙三十六年
逋糧仍緩征三十七年正賦俾共沾濊澤緣途軍
役鎮卒賚賞有加又

召見耆民年七八九十以上者

賜金慰勞且廩鰥寡卹孤獨而憫其無告是役也凡所
經三省數千里內自文武僚吏以逮士農商旅其
所欲與不便者皆罷行之五月回

鑾都人忤踴神祇悅康雨暘寒燠罔不時叙三五之隆

再見今日臣蒙被

恩澤職司風紀復叨

殊遇日在顧問之列是宜率先作歌詩以敷陳

駿烈不可以文辭淺劣為解輒獻

南巡頌一篇凡八百字據事直書備述

聖天子所以勤民卹商興賢造士者一準古巡守之典而變通之不徒為游豫之觀而已用以昭示中外

耳目垂之無極其辭曰

於顯我

皇奄撫萬邦既守既創續緒彌光孕虞育夏轢武陵湯
往者三逆扇亂南服

聖武廓清鯨鯢就戮邊寇鴟張六師親鞠三接三捷剪
剋咆哮腦髓沙漠席捲雲收襁負賁贄重譯共球既靖
炎氛亦銷朔燧陸龍言水慄邇安遠至慎厥成功春永惕
厲乃眷民依宵旦維勤奠居率育誰與安全天厚

皇帝益試以艱維彼河流患自終古汜濫濺滴迄無寧
所越淮與揚適當其下決排濬築屢遣往釐出錢太府
費而不治羣公昭曠罔有遠謀僉曰沈災非

聖莫辨在昔隨刊聿止浩瀚惟

帝躬臨庶幾已患

帝曰俞哉予其攸視哀此烝民淪胥鱣鮪爰度爰咨務
息癥疢乃

詔太史占協靈辰廷臣景從天行星陳夙誠供億毋擾

我民睠言吳越東南奧壤俗之淳漓曠弗戒獎其遂
巡行俾沾浩蕩月維圉如日躔降婁華鐘鏗鯨我舸駕
蚪雨師泛灑風伯颺颺千艘颺馳萬櫓波駘恭奉
聖母定省無闕瞻眺山川

懿情用懌淮黃湯湯實惟巨浸手畫口咨孰塞孰浚一
稟

廟謨川祗叶順吁嗟墊溺艱鮮是虞玉粒甘萬或糴或
儲左餐右粥爾氓其蘇龍舩浮江至於吳會召見父老

流觀闐闐今昔殊形力母已憊清問維殷

帝心用惻

賜復賜租厥數萬億爰自江南訖於江北肆廣

皇仁遂及商旅徵發期會汝其重苦不有休息曷稱樂
土權鹺權關厥惟重務不能其官商瘠課蠹罷其贏餘
平平皇路氓之蚩蚩無知罹咎木鳳銜綸胥脫械杻赭
服膏流園扉草茂於時浙民瞻望

翠華老稚引領豈獨我遐

帝曰惠來拊循摩渥正供繁賦悉與蠲除不苛不濫酌
劑盈虛均恩普澤準此三吳懿此吳越士風彬彬化廣
作人菁莪棫樸濟濟英賢實寧王國乃發泉貨乃醺牛
酒大賚甲士溉沾黃耆惠鮮鰥寡內之在抱悠悠旌旆
言返自東沂汭濟泗陟降龜蒙載紆舊賦亦緩新供於
維

聖澤雲滂霧塞上暢八紘旁敷九域男力耕耘女脩經
織農飽而嬉商拊於塗兌碩盪穢爭植廉隅黨庠術序

羽籥詩書凡此

德音仁滂施厚

上天降祥休徵輻輳白麟黃龍躩踞苑囿

皇帝聖神混一區夏東西朔南山車澤馬於萬斯年孰敢違者

皇帝勤儉周知民隱卹患卹災有富無窘於萬斯年黍禾充囷

皇帝大孝友恭愉怡奉

皇太后夙夜維寅於萬斯年壽與天齊

皇帝至明彰善癉惡頑讒草心者賢踴躍於萬斯年庶
僚明作臣沐

庥澤恭際昌期敢拜稽首獻是歌詩在佚思勞不失肅
祇兢兢翼翼永保嘉師

南巡聖德頌

李天馥

巍巍

紀

帝德也我

皇上之德光於天地遍於乾坤至聖至神民無能名焉
巍巍我

皇天縱厥德聰明睿知建其有極法天敬勝自強不息
勤民立政朝日中昃左準右繩身度聲律功被八荒恩

霑九域

巍巍我

皇其仁如天視民如傷懷保惠鮮網解暘陰薰風五絃
痼瘝惻隱安養生全不盡不竭淵泉如淵詩書所稱曷
以加焉

巍巍我

皇功隆四巡升中明庶懷柔百神大澤既施順時之春
苞元履位育德振民何恩弗周何仁弗臻舍彼唐虞誰

其比倫

石魏魏三章章十二句

芰蒲

紀

聖孝也白虎通曰王者孝道至即芰蒲出不搖自扇以
昭至德焉

菁菁芰蒲生於御厨芳芬郁烈甘露沾濡助

聖人養承顏孔愉

就養宮庭寢門日三至德要道化洽恩覃爰扶鳳輦布
德東南

大孝不匱行吾性真志養錫類善則歸親合萬國歡水
智山仁

右芟蒲三章章六句

崑崙

河有成功也

皇上親臨河隄

指授方畧河臣奉行遂以大治焉

崑崙之高其高萬里河源所出變幻奇詭通天潛地合渭貫濟經流既長潰決無已

禹乘四載九州安流厥迹既湮南徙弗休既合於淮轉漕是由謀夫築室亦鮮良籌

天子曰嘻河決淮泗揚其下流田棄弗治下民昏墊朕念罔置茲其往哉敢憚勞勩

鑾輿既來臨視決河相其築塞羽衛頻過

聖算周詳陽侯歛波陋彼瓠子宣房作歌

爰集河臣

躬加指授為瀾為疏孰先孰後瞭如指掌事簡功茂莫
測性天亶聰惟

后

禹德祇台禦災除害我

皇繼之盡力溝澮億萬斯年是利是賴功施宇宙尊親
式配

右崑崙六章章八句

慶洽

肆青也大德曰生與民更始焉

慶洽生民青災三宥渙汗朝飛黃雲應候蕩滌邪穢納
之仁壽感激自新悔初易舊刑措不用園土草茂何以
獲茲時巡俟

后

右慶洽一章章十二句

春皇

蠲逋負也江浙賦役繁重民多積欠悉寬免焉

春皇發生萬物怡怡至教至德以奉天施青陽一臨春風徧之蠲租百萬其數有奇吏無追呼民無繭絲必也聖乎惠我無私

右春皇一章章十二句

猗歟

天人交應也

聖德感被符瑞畢臻民樂太和焉

猗歟盛歟

帝命溥將道寶罔愛和氣嘉祥四靈為畜景慶流光賓
連平露鬱鬱煌煌

帝曰不然惟吾德昌

猗歟盛歟天佑聖人以天法天維新日新九年之儲千
倉萬困親親長長重道明倫

帝曰休哉繫吾德純

右猗歟二章章十句

江滔

萬民感也民戴

至德樂以無窮焉

長江滔滔其來萬里

聖人之澤與之無已

泰山峩峩其高萬尋

聖人之德生我烝民

三時雨澤汜布濩之親見

聖人三臨惠之

樂只父母覆幬如天中心愛之億萬斯年

右江湔四章章四句

天施

臣報上也

皇上御書頒賜兼賜服物羣臣感激効忠焉

天施不言日被萬物物其受之豈敢言德人臣有善

皇建其極

皇則顧之而康而色

寵賚既加侑以飲食大哉王言

親御翰墨獎勵兼承世法世則

君恩若斯何以稱塞

右天施一章章十六句

承德

太平也

帝德覃敷四方罔不率俾從欲以治天下太和焉

列辟承德赫濯

皇猷九功惟敘百度惟脩作樂成象感人格幽蕭韶鳳
凰振古誰侔持盈保泰永集

天庥

右承德一章章十句



皇清文頴卷三十五



總校官庶吉士 臣 張能照

校對官檢討 臣 王鍾健

謄錄監生 臣 李帶雙